

樊

樊

山

作

證

樊增祥

樊增祥，字嘉父，號雲門，別署樊山。湖北恩施人，光緒進士，官至陝西藩司、江寧布政使，

民國後亦曾任參政院參政，卒於民國二十年。他少年倜儻，擅博辯，詩文清麗，才氣充沛，有詩集、詞集、文集、政書、判牘等行世。他為賽金花所作的「彩雲曲」，曾經傳誦一時，風行大江南北，被稱為樊山艷體詩的代表作，記述的是賽金花一生事迹，由此一曲而使賽金花名大噪，歷久不衰。至於她究竟是欺世盜名的說謊者，抑或以身佈施，救過萬千中國百姓的愛國女英雄？一切爭論，也是由這一闕前後「彩雲曲」所引起。以下便是前後彩雲曲的全文，我們也可以


說，這是請來樊樊山先生作證。

編者

前後「彩雲曲」

彩雲曲

姑蘇男子多美人，姑蘇女子如瓊英。水上桃花如性格，湖中秋藕比聰明。自從西子湖船住，女貞盡化垂楊樹！可憐宰相尚吳棉，何論紅紅兼素素？山塘女伴訪春申，名字偷來五色雲。樓上玉人吹玉管，波頭桃葉倚桃根。約略鴉鬢十三四，未遣金刀破瓜字。歌舞常先菊部頭，釵梳早入妝樓記。北門學士素衣人，蹺踏毬場訪玉真。直為麥華輕故劍，沉兼蘇小是鄉親！海棠聘後寒梅喜，待中居外明詩禮。兩見龍岡墓草青，鴛鴦絃上春風起。畫鷁東乘海上潮，鳳凰城裏並吹簫。安排銀鹿娛遲暮，打疊金貂護早朝。深宮歐得皇華使，才地容齋最清異。夢入天驕帳殿遊，闕氏含笑聽和議。博望仙槎萬里通，冤旌難得彩鸞同。詞賦環球知繡虎，釵鈿橫海照驚鴻！女君維亞喬松壽，夫人城闕花如繡。河上蛟龍盡外孫，虞中鸚鵡稱天后。使節西持萸奉章，錦車馮嬖亦傾城！是旋七竊瞻繁露，盤敦雙龍贈寶星。變成雅得君王意，出入椒庭整環珮。妃主青禽時往來，



。根桃倚葉桃頭波，英瓊如子女蘇姑

。影倩花金賽的至備美讚山樊樊——

初三九同游戲。裝束潛將西俗嬌，語言總愛吳娃媚！侍食偏能喫海鮮，投書亦解繹英字。鳳紙繡來鏡殿寒，玻璃取影御床寬。誰知坤媪山河貌，祇與楊枝一例看！三年海外雙飛俊，還朝未幾相如病！香息常教韓壽聞，花枝每與秦官並。春光洩漏柳條輕，郎主空嗔梁玉清。祇許丈夫驅便了，不教攀客別宜城。從此羅帳怨離索。雲藍小袖知誰託。紅闌何日放金鷄，玉貌一春鎖銅雀。雲雨巫山狂見猜，楚襄無意近陽臺！擁衾總怨金龍婿，連臂猶歌赤鳳來。玉棺畫下新宮啓，轉塵玉郎長已矣！春風肯墜綠珠樓，香徑還思苧羅水。一點奴星照玉壺，樵青婉變漁童美。總帷猶掛鬱金堂，飛去玳梁雙燕子。那知薄命不猶人，御叔子南先後死！蓬巷零栽北里花，明珠忍換長安



紅布蟻附，擅殺德使。庚子拳亂被戕的德國公使克林德。

米，身是輕雲再出山，瓊枝又落平康里。綺羅叢裏脫青衣，翡翠巢邊夢朱邸，章臺依舊柳參差，攀操禪心未許參。杏子衫痕學宮樣，枇杷門榜換冰銜。吁嗟呼！

情天從古多緣孽，舊事煙臺那可說！微時管聊得恩憐，貴後萱芳都棄擲！怨曲爭傳紫玉釵，春遊未遇黃衫客。君既負人人負君，散灰扇戶知何益。歌曲休歌金縷衣，買衣休買馬陵枝。彩雲易散玻璃脆，此是香山悟道詩！

後彩雲曲

納蘭昔御儀鸞殿，曾以宰官三召見。畫棟珠簾驚御香，金床玉几開官扇。明年西幸萬人哀，桂觀蜚廉威劫灰！虜騎亂穿驛道走，漢宮重見柏

梁災！白頭宮監逢人說：庚子災年秋七月。六龍一去萬馬來，柏林舊帥稱魁傑！紅巾熾附端郡王，擅殺德使董福祥！憤兵入城肆淫掠，董逃不獲池魚殃！瓦酋入據儀鸞座，鳳城十家九家破！武夫好色勝貪財，桂殿秋清少眠臥。聞耳平康有麗人，能操德語工德文。狀元紫誥曾相假，英后殊施並寫真，柏林當日人爭看，依稀記得美

容面！隔越蓬山十二年，瓊華島畔邀相見。隔水疑通雲漢槎，催妝還用天山箭。彩雲此際泥秋金，雲雨巫山何處尋。忽報將軍親折簡，自來花下問青禽。徐娘雖老猶風致，巧換西裝稱人意！百環螺髻滿簪花，全匹鮫綃長拂地。雅娘催下七香車，豹尾銀槍兩行待，鈿車遙遵登路來，轎羅果踏金蓮至。歷亂宮帷飛野鷄，荒唐御座擁狐狙。將軍携手瑤階下，未上迷樓意已迷！鸚鵡還嗤毛惜惜，入宮自詔李師師。言和言戰紛紜久，亂殺平人及鷄狗。彩雲一點菩提心，摸稜夷獠在纖手！怯篋休探赤仄錢，操刀莫逼紅顏首！始信傾城哲婦言，強於辯士儀秦口。後來虐婢如蝮虺，此日能言賽鸚鵡。較量功罪相折除，僥倖他年免纒首。將軍七十虬髯白，四十秋娘盛釵澤！普法戰罷又今年，枕席行師老無力！女閨中有女登徒，笑捋虎鬚親虎額。不隨樂隊臥花車，那得馴狐集金闕。誰知九廟神靈怒，夜半瑤臺生紫霧。火馬飛馳過鳳樓，金蛇皎皎燔鷄樹，此時錦帳雙鸞驚，船軀驚起無襦袴。小家女記入抱時，夜度娘尋鑿壞處。撞破煙樓閃電窗，釜魚籠鳥求生路。一霎秦灰楚炬空，依然別館離宮住。朝雲暮雨秋復春，坐見珠槃和議成。一聞紅海班師詔，可有青樓惜別情。從此茫茫隔雲海，將軍頗有連波悔。君王神武不可欺，遙識軍中婦人在。有罪無功損國威，金符鐵券趣銷燬。太息聯邦虎將才，終為舊院峨眉果。峨眉終落教坊司，已是琵琶彈破時。白門淪落歸鄉里，綠草依稀具獄詞。世人有情多不達，明明禍水賽裳涉。玉堂鸚鵡驚羽儀，碧海鯨魚喪鱗甲。何限人間將相家，牆茨不掃傷門闕。樂府休歌楊柳枝，星家最忌桃花煞！今者株林一老婦，青裙來往春申浦。北門學士最關渠，西幸叢談亦及汝。古人詩貴達事情，事有闕遺須拾補。不然落溷退紅花，白髮摩登何足數。